

adstantibus. *Stipula* vaginacea, a tergo emarginata denticulis duobus. *Folia* sæpe vix milio majora.

187. INDIGOFERA (*trifoliata*) leguminibus compressis pendulis, foliis ternatis lanceolatis.

*Habitat in India.*

*Caules* adscendentes, apice subpubescentes, simplices. *Stipulae* nullæ. *Folia* ternata: foliolis lanceolatis, nudis; infimis oppositis. *Flores* ex alis foliorum, plurimi, subsessiles. *Legumina* compressa, subscabra, 3 s. 5-sperma, futuris obtusis, infra folia pendula: *Folia* enim inferiora cadunt quam primum flores inferiores defloruere.

188. ASTRAGALUS (*depressus*) acaulis, scapis folio brevioribus, leguminibus cernuis, foliolis subemarginatis.

*Astragalus supinus minor*, flosculis albis. *Boerb. lugdb.*

2. p. 54.

*Habitat in alpinis Europæ 2.*

*Radix* fibrosa *Ramulis* brevissimis, arcte ad terram depressis. *Scapi* omnium brevissimi, *Floribus* pluribus, sæpe 7. *Calyces* adpersi pilis raris, fuscis, adpressis. *Corollæ* parvæ, albæ, carina apice purpurascente. *Legumina* cylindrica, acuminata, longitudine scapi, glabra, bilocularia, reflexa, pedicellis brevissimis, rigidulis. *Folia* digitalia, pinnata: foliolis 15, s. 17, ovalibus, vix emarginatis, glabris, subtus pilis albis incanis.

189. LACTUCA (*Serriola*) foliis verticalibus carina aculeatis.

*Lactuca sylvestris costa spinosa. Baub. p. 123.*

*Lactuca sylvestris laciniata. Moris. hist. 3. p. 58. f. 7. t. 2. f. 17.*

β. *Lactuca sylvestris italica costa spinosa, sanguineis maculis adpersa. Herm. paradif. 191. t. 194.*

γ. *Lactuca sylvestris annua costa spinosa, folio integro colore cælio. Moris. hist. 3. p. 58.*

*Habitat in Europa australi ☉.*

Differt a *Lactuca virosa* (a qua distingvenda) foliorum plano verticali nec horizontali.